

Sebija Izetbegović

Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r predsjedavajućeg Skupštine Kantona Sarajevo

Uputiti: Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo unutrašnjih poslova Kantona Sarajevo

ZASTUPNIČKA INICIJATIVA

Predmet: Inicijativa za uspostavljanje registra i unapređenje evidencija o licima osuđivanim za nasilje u porodici u Kantonu Sarajevo

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo unutrašnjih poslova Kantona Sarajevo poduzmu hitne aktivnosti na uspostavljanju jedinstvenog registra lica pravosnažno osuđivanih za nasilje u porodici, kao i unapređenju postojećih evidencija i procedura.

Prijedlog mjera

S tim u vezi predlažem da nadležne institucije:

1. Uspostave jedinstveni registar lica pravosnažno osuđivanih za krivična djela nasilja u porodici, koji će se voditi u evidencijama Ministarstva unutrašnjih poslova Kantona Sarajevo i Ministarstva za rad, socijalnu politiku Kantona Sarajevo.
2. Osiguraju da se registar vodi u skladu sa važećim propisima o zaštiti ličnih podataka, uz jasno definisane procedure pristupa i korištenja podataka.
3. Omoguće dostupnost podataka iz registra svim policijskim agencijama u Bosni i Hercegovini, kao i centrima za socijalni rad i drugim službama socijalne zaštite, isključivo u svrhu obavljanja zakonom propisanih nadležnosti.
4. Propisu obaveznu provjeru podataka iz registra prilikom:
 - o izdavanja dozvola za držanje i nošenje oružja,
 - o izdavanja dozvola za bavljenje lovom i sportskim streljaštvom,
 - o zapošljavanja u sektoru sigurnosti (zaštitorske agencije i drugi oblici rada u sigurnosnom sektoru).
5. Utvrde da se podaci o licima iz registra čuvaju minimalno 25 godina od dana pravosnažnosti presude, u evidencijama nadležnih institucija.
6. Ministarstvo unutrašnjih poslova Kantona Sarajevo razmotri izmjene internih procedura i propisa na kantonalnom nivou, s ciljem produženog zadržavanja i operativne dostupnosti podataka o pravosnažno osuđivanim licima za nasilje u porodici u evidencijama MUP-a KS.
7. Unaprijede korištenje ovih podataka u procjeni bezbjednosnih rizika, posebno prilikom zapošljavanja u javnom i sigurnosnom sektoru, kao i prilikom izdavanja i kontrole posjedovanja oružja.
8. Dodatno unaprijede međuinstitucionalnu saradnju između policijskih, pravosudnih i socijalnih institucija u cilju prevencije femicida i ponavljanja nasilja u porodici.

Obrazloženje

Nasilje u porodici predstavlja ozbiljan društveni i sigurnosni problem koji zahtijeva sistemski i koordinisan odgovor svih nadležnih institucija.

Poseban povod za ovu inicijativu je tragičan slučaj femicida od 1. maja, kada je Tarik Prušac službenim oružjem lišio života svoju suprugu. Podsjećam da je navedeno lice već bilo pravosnažno osuđeno 2016. godine za nasilje u porodici, kada je počinilo teško nasilje nad članovima svoje porodice.

Ovaj slučaj ukazuje na ozbiljne sistemske nedostatke u praćenju i procjeni rizika kod počinitelaca nasilja u porodici, posebno u situacijama kada takva lica imaju ili mogu dobiti pristup oružju, ili obavljaju dužnosti od javnog značaja.

U praksi se često dešava da nadležne institucije nemaju pravovremene i potpune informacije o ranijim presudama, što može dovesti do propusta u procjeni bezbjednosnog rizika.

Uspostavljanjem jedinstvenog registra i unapređenjem evidencija omogućila bi se:

- bolja koordinacija između institucija,
- pravovremena razmjena informacija,
- efikasnija procjena rizika,
- sprječavanje zloupotrebe prava u oblastima koje direktno utiču na sigurnost građana,
- unapređenje zaštite žrtava nasilja u porodici.

Zaštita života i sigurnosti građana, a naročito žena žrtava nasilja, mora biti apsolutni prioritet institucija sistema.

Molim da nadležne institucije razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

Selma Izetbegović
zas

